



PARLAMENTO
DE GALICIA

EMENDAS PRESENTADAS ÁS PNP E MOC PARA O PLENO DO 06/02/2018



PARLAMENTO
DE GALICIA

3. Mocións.....	3
3.1 10/MOC-000067 (0024187).....	3
(0024187) Entrada da iniciativa.....	4
(0025258) Emendas dos grupos parlamentarios	7
3.2 10/MOC-000068 (0024252).....	9
(0024252) Entrada da iniciativa.....	10
(0024314) Solicitude de corrección de erros.....	13
(0025247) Emendas dos grupos parlamentarios	15
4. Proposicións non de lei ante o pleno.....	17
4.1 10/PNP-001503 (0020231).....	17
(0020231) Entrada da iniciativa.....	18
(0025249) Emendas dos Grupos Parlamentarios	20
(0025252) Emendas dos Grupos Parlamentarios	22
4.2 10/PNP-001649 (0022214).....	24
(0022214) Entrada da iniciativa.....	25
(0025246) Emendas dos Grupos Parlamentarios	29
4.3 10/PNP-001652 (0022251).....	31
(0022251) Entrada da iniciativa.....	32
(0024684) Emendas dos Grupos Parlamentarios	36
4.7 10/PNP-001691 (0023160).....	39
(0023160) Entrada da iniciativa.....	40
(0025253) Emendas dos Grupos Parlamentarios	45
(0025254) Emendas dos Grupos Parlamentarios	47

3. MOCIÓN.

3.1 10/MOC-000067 (0024187)

Grupo Parlamentario de En Marea - Paula Vázquez Verao

Sobre as actuacións que debe levar a cabo a Xunta de Galicia en materia de servizos sociais. (Moción, a consecuencia da Interpelación nº 21744, publicada no BOPG nº 236, do 10.01.2018, e debatida na sesión plenaria do 23.01.2018)



(0024187) Entrada da iniciativa



Á MESA DO PARLAMENTO

O Grupo Parlamentar de **En Marea**, por iniciativa da súa deputada **Paula Vázquez Verao** e ao abeiro do disposto no artigo 151.2 do Regulamento da Cámara, presenta a seguinte **Moción** para substanciar a Interpelación, doc. núm. 21744, sobre a política da Xunta en materia de servizos sociais, que foi tratada na sesión plenaria do día 22 de xaneiro de 2018. (10/INT-000741)

MOCIÓN

O Parlamento galego insta a Xunta de Galicia a:

- Elevar, nos Orzamentos da Xunta de 2019, o investimento en Acción e Promoción Social en, canto menos, 120 millóns de euros.
- Elevar, nos Orzamentos da Xunta de 2019, o investimento en Promoción do Emprego e do Mercado Laboral en, canto menos, 60 millóns de euros.
- Derrogar a Lei 1/2012, de 29 de febreiro, de medidas temporais en determinadas materias de emprego público da Comunidade Autónoma de Galicia.
- Aumentar o persoal nos centros da Consellería de Política Social da Xunta de Galicia.
- Dirixirse ao Goberno do Estado para que se establezan nos Orzamentos Xerais dos vindeiros anos partidas suficientes que permitan recuperar o recortado en dependencia dende o ano 2012.



- Trasladar ao Goberno do Estado que asuma a achega do 50% do gasto total en atención á dependencia previsto na Lei 39/2006, de 14 de decembro, de Promoción da autonomía persoal e atención ás persoas en situación de dependencia.

- Desenvolver un modelo de renda social galega que garanta a inclusión social, impulsando unha primeira fase da mesma nos Orzamentos de 2019 con, canto menos, 100 millóns de euros.

- Aumentar as prazas públicas en residencias da terceira idade ata cubrir, antes de 2020, a demanda existente.

- Impulsar un plan para a xestión pública do acollemento de menores.

- Aumentar os fondos para a dotación de recursos residenciais e terapéuticos para as persoas con diversidade funcional.

- Aumentar os fondos para centros de acollida de mulleres vítimas de violencia machista, comezando en 2019 unha casa de acollida en Compostela.

- Impulsar unha estratexia galega para atención ás persoas sen fogar que inclúa vivendas de saída, segundo o modelo Housing First, nas principais cidades.

Santiago de Compostela, 25 de xaneiro de 2018.

Asdo.: Paula Vázquez Verao,

Asdo.: Luís Villares Naveira,

Deputada do G.P. de En Marea.

Voceiro do G.P. de En Marea.



PARLAMENTO DE GALICIA
REGISTRO XERAL ENTRADA
Data asento: 25/01/2018 16:58
Nº Registro: 24187
Data envío: 25/01/2018 16:58:24.545

Asinado dixitalmente por:

Paula Vázquez Veroa na data 25/01/2018 16:55:13

Luis Villares Naveira na data 25/01/2018 16:55:21



(0025258) Emendas dos grupos parlamentarios



OFICINA PARLAMENTAR
Parlamento de Galicia
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/02/2018 18:22
Nº Rexistro: 25258
Data envío: 05/02/2018 18:22:42.081

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada **Montserrat Prado Cores**, ao abeiro do disposto no Regulamento da Cámara, presenta a seguinte **emenda á Moción**, doc. núm. **24187 [10/MOC-000067]**, do Grupo Parlamentar de En Marea, sobre as actuacións que debe levar a cabo a Xunta de Galicia en materia de servizos sociais. (Moción, a consecuencia da Interpelación nº 21744, publicada no BOPG nº 236, do 10.01.2018, e debatida na sesión plenaria do 23.01.2018), incluída na orde do día da sesión plenaria convocada para o vindeiro 6 de febreiro de 2018.

Emenda de adición

Engadir os seguintes puntos:

“Poñer en marcha de xeito inmediato un plan de atención as persoas en listas de espera tanto para unha avaliación como para que se materialicen as axudas que teñen recoñecidas a través da Lei de Dependencia, coa dotación orzamentaria e de recursos materiais e humanos preciso, que contemple:

- O dimensionamento do cadro de persoal da Consellaría de Política Social co número preciso de profesionais para eliminar a demora que existe no rexistro de solicitudes de dependencia, na realización das avaliacións e da PIA.



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/02/2018 18:22
Nº Rexistro: 25258
Data envío: 05/02/2018 18:22:42.081

- A realización de todas as accións precisas para garantir unha rede pública cos recursos que as persoas en situación de dependencia precisan, e garanta a equidade no acceso, nomeadamente residencias, axuda no fogar e centros de día.

Poñer en marcha de xeito inmediato medidas dirixidas a dotar de persoal suficiente as EVO, para rematar coas listas de espera no recoñecemento, declaración e cualificación do grao de discapacidade.”

Santiago de Compostela, 5 de febreiro de 2018

Asdo.: **Montserrat Prado Cores**
Deputada do G.P. do BNG
Ana Pontón Mondelo
Portavoz do G.P. do BNG

Asinado dixitalmente por:

María Montserrat Prado Cores na data 05/02/2018 18:22:04

Ana Pontón Mondelo na data 05/02/2018 18:22:11



3.2 10/MOC-000068 (0024252)

Grupo Parlamentario de En Marea - José Manuel Lago Peñas
Grupo Parlamentario de En Marea - Antón Sánchez García
Grupo Parlamentario de En Marea - Marcos Cal Ogando

Sobre as actuacións que debe levar a cabo a Xunta de Galicia e as demandas que debe realizar ao Goberno central en relación coa suba das tarifas nas peaxes da AP-9. (Moción, a consecuencia da Interpelación nº 20803, publicada no BOPG nº 223, do 05.12.2017, e debatida na sesión plenaria do 23.01.2018)



(0024252) Entrada da iniciativa

en marea

enmarea.gal



Á MESA DO PARLAMENTO

O Grupo Parlamentar de En Marea por iniciativa dos seus deputados **Manuel Lago Peñas, Antón Sánchez García e Marcos Cal Ogando**, ao abeiro do disposto no artigo 151 do Regulamento da Cámara, presenta a seguinte **Moción** para substanciar a Interpelación núm. **20803 (10/INT-000695)**, sobre a **política do Goberno galego en relación coa suba das tarifas nas peaxes da AP-9**, debatida na sesión plenaria do 23 de xaneiro de 2018,

MOCIÓN

O Parlamento de Galicia insta á Xunta de Galicia a:

Primeiro.- Elaboración de inmediato dun estudo de viabilidade que contemple o posible custe económico, o impacto tarifario e as posibles alternativas para o seu financiamento.

Segundo.- Demandar do goberno do Estado una nova política tarifaria, con cargo aos extraordinarios beneficios da concesionaria, de forma que se estableza unha redución xeral das tarifas da AP-9 e reducións para os usuarios que, entre outros, se poidan considerar que:



en marea

enmarea.gal


PARLAMENTO DE GALICIA
REXISTRO XERAL ENTRADA
 Data asento: 26/01/2018 13:22
Nº Rexistro: 24252
 Data envío: 26/01/2018 13:22:02.873

- Realizan traxectos diarias de ida e volta.
- Utilizan de forma habitual a infraestrutura.
- Dependan para o seu traslado ao traballo da utilización da AP-9.
- Sexan profesionais, autónomos e pequenas empresas do sector do transporte .

Terceiro.- Esixa ao Goberno do Estado deixar sen efecto os acordos con AUDASA que permiten o incremento de tarifas nas peaxes da AP-9 no ano 2018 e seguintes.

Cuarto.- Condenar o veto e solicitar do Goberno do Estado que non obstaculice a tramitación da Proposición de lei de transferencia da titularidade, respectando así a vontade democrática expresada polo Parlamento galego.

Santiago de Compostela, 26 de xaneiro de 2018.

Asdo.: Manuel Lago Peñas,
 Marcos Cal Ogando
 Deputados do G.P. de En Marea
 Antón Sánchez García,
 Deputado e Voceiro S. do G.P. de En Marea.



en marea

enmarea.gal



PARLAMENTO DE GALICIA
REGISTRO XERAL ENTRADA
Data asento: 26/01/2018 13:22
Nº Registro: 24252
Data envío: 26/01/2018 13:22:02.873

Asinado dixitalmente por:

José Manuel Lago Peñas na data 26/01/2018 13:17:44

Marcos Cal Ogando na data 26/01/2018 13:17:58

Antón Sánchez García na data 26/01/2018 13:18:08





(0024314) Solicitud de corrección de erros



Á MESA DO PARLAMENTO

O **Grupo Parlamentario de En Marea**, a iniciativa dos seus deputados **Manuel Lago Peñas, Antón Sánchez García e Marcos Cal Ogando**, SOLICITA se realice a seguinte corrección de erros na **MOCIÓN** con número de rexistro **24252**, de data 26 de xaneiro de 2018,

Débase substituír o texto do punto **“Primeiro”** polo seguinte:

“Primeiro.- Elaborar de inmediato un estudo de viabilidade de rescate da AP-9 que contemple o custe económico, o procedemento, o impacto tarifario e as posibles alternativas para o seu funcionamento.”

Santiago de Compostela a 29 de xaneiro de 2018

Asdo.: Manuel Lago Peñas
Marcos Cal Ogando
Deputados do G.P. de En Marea
Antón Sánchez García
Deputado e Voceiro S. do G.P. de En Marea.

Asinado dixitalmente por:

José Manuel Lago Peñas na data 29/01/2018 16:45:22



PARLAMENTO DE GALICIA
REXISTRO XERAL ENTRADA
Data asento: 29/01/2018 16:47
Nº Rexistro: 24314
Data envío: 29/01/2018 16:47:03.386



Marcos Cal Ogando na data 29/01/2018 16:45:49

Antón Sánchez García na data 29/01/2018 16:46:07

(0025247) Emendas dos grupos parlamentarios



Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia por iniciativa do seu deputado, Xoaquín Fernández Leiceaga, a través do portavoz e ao abeiro do disposto no artigo 161.2 do Regulamento da Cámara, presenta ante esa mesa a seguinte emenda á Moción do Grupo Parlamentario de En Marea, sobre as actuacións que debe levar a cabo a Xunta de Galicia e as demandas que debe realizar ao Goberno central en relación coa suba das tarifas nas peaxes da AP-9 (doc. núm. 24252).

Emenda de modificación

No punto segundo da parte resolutiva da iniciativa débese suprimir o seguinte texto:

- “con cargo aos extraordinarios beneficios da concesionaria”

Emenda de modificación

O punto terceiro da parte resolutiva da iniciativa débese substituír polo seguinte texto:

“Terceiro.- Esixir ao Goberno de España que:

- Recupere a redución das tarifas dun 7% suprimidas polo Real Decreto – lei 20/2012.
- Negocie coa concesionaria para asumir con cargo ao Orzamentos Xerais do Estado, en varias anualidades, as obras de ampliación da capacidade da AP-9 recollidas no Protocolo asinado pola Ministra Ana Pastor con Audasa o 26 de decembro de 2012, evitando así a suba anual acumulativa de peaxes dun 1% durante vinte anos a partir de 2018.”

Emenda de adición

Na parte resolutiva da iniciativa engadir o seguinte punto:

“Cuarto bis.- O Parlamento de Galicia deplora a ampliación da concesión ate o ano 2048 e insta a Xunta de Galicia a negociar co Goberno de España as



PARLAMENTO DE GALICIA
REXISTRO XERAL ENTRADA
Data asento: 05/02/2018 17:17
Nº Rexistro: 25247
Data envío: 05/02/2018 17:17:47.787



Grupo Parlamentario

compensacións dos aforros e ingresos para os Orzamentos Xerais do Estado que esta medida supuxo”

Pazo do Parlamento, 5 de febreiro de 2018

Partido dos
Socialistas
de Galicia

Asinado dixitalmente por:

Xoaquín María Fernández Leiceaga na data 05/02/2018 17:14:55



4. PROPOSICIÓN NON DE LEI ANTE O PLENO.

4.1 10/PNP-001503 (0020231)

Grupo Parlamentario dos Socialistas de Galicia - Patricia Vilán Lorenzo
Grupo Parlamentario dos Socialistas de Galicia - Juan Manuel Díaz Villoslada
Grupo Parlamentario dos Socialistas de Galicia - Matilde Begoña Rodríguez Rumbo

Sobre as actuacións que debe levar a cabo o Goberno galego en relación coas reclamacións laborais dos representantes sindicais do persoal da Administración de xustiza de Galicia

(0020231) Entrada da iniciativa

PARLAMENTO DE GALICIA
 REXISTRO XERAL ENTRADA
 Data asento: 14/11/2017 16:30
 Nº Rexistro: 20231
 Data envío: 14/11/2017 14:00:09.134



Grupo Parlamentario

Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **Patricia Vilán Lorenzo, Juan Manuel Díaz Villoslada e Matilde Begoña Rodríguez Rumbo**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Pleno**.

Partido dos
Socialistas
de Galicia


Exposición de motivos

Representantes de todos os sindicatos con representación entre o persoal dos edificios xudiciais de Galicia (SPJ-USO, CUT, UGT, CSIF, STAJ, CIG e CCOO) veñen celebrando asembleas nos últimos tempos, nas que teñen acordado iniciar mobilizacións ao longo dos vindeiros meses, que ata poderían chegar a unha posible folga indefinida. O primeiro será unha concentración ante as sedes xudiciais das 7 cidades o día 16 de novembro, unha folga xeral os días 1 e 13 de decembro e, se estas medidas non resultan, a posibilidade dunha folga indefinida a finais de xaneiro. Vicepresidencia e a Consellería de Presidencia, Administracións Públicas e Xustiza non entende o significado da palabra diálogo.

As protestas van ser secundadas por todos os e as traballadoras, salvo xuíces e fiscais, para reclamar ao Goberno da Xunta de Galicia que acabe coa discriminación con respecto aos e ás funcionarias do sector noutras comunidades, en cuestións como o complemento autonómico transitorio, descontos por incapacidade laboral ou substitucións. Como dato, o persoal funcionario de Xustiza de Galicia, entre 2013 e 2016, perderon de media o equivalente a 3 pagas extraordinarias.

A maiores, reclaman que a Dirección Xeral de Xustiza fixe, xunto cos sindicatos, os órganos e as localidades onde se van consolidar as prazas de reforzo e quéixanse da eliminación dunhas 106 prazas dende o ano 2012, o que supón maior carga de traballo, seccións das audiencias provinciais atascadas e problemas á hora da execución das sentenzas, entre outros.



 Grupo Parlamentario

Finalmente, todo isto incide na peor calidade do servizo da Xustiza á cidadanía.

Partido dos
Socialistas
de Galicia

Por todo o exposto anteriormente, o Grupo Parlamentario dos Socialistas de Galicia presenta a seguinte proposición non de lei para o seu debate en Pleno:

O Parlamento galego insta a Xunta de Galicia a atender ás reclamacións dos sindicatos con representación entre o persoal de Xustiza de Galicia, abrindo un período de diálogo permanente, nos seguintes termos:

1. Equiparando os salarios das persoas traballadoras coa media do resto de comunidades autónomas.
2. Consolidando as prazas que responden a necesidades estruturais.
3. E que se repoñan todas as prazas que foron amortizadas.

Pazo do Parlamento, 14 de novembro de 2017

Asdo.: Patricia Vilán Lorenzo
 Juan Manuel Díaz Villoslada
 Matilde Begoña Rodríguez Rumbo
 Deputadas e deputado do G.P. dos Socialistas de Galicia

Asdo.: Xoaquín Fernández Leiceaga
 Portavoz do G.P. dos Socialistas de Galicia

Asinado dixitalmente por:

Patricia Vilán Lorenzo na data 14/11/2017 13:57:16

Juan Manuel Díaz Villoslada na data 14/11/2017 13:57:24

Matilde Begoña Rodríguez Rumbo na data 14/11/2017 13:57:29

Xoaquín María Fernández Leiceaga na data 14/11/2017 13:57:32



(0025249) Emendas dos Grupos Parlamentarios



OFICINA PARLAMENTAR
Parlamento de Galicia
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza



PARLAMENTO DE GALICIA
REXISTRO XERAL ENTRADA
Data asento: 05/02/2018 17:37
Nº Rexistro: 25249
 Data envío: 05/02/2018 17:37:22.736

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa do deputado **Luis Bará Torres**, ao abeiro do disposto no Regulamento da Cámara, presenta a seguinte **emenda á Proposición non de lei para debate en Pleno**, doc. núm. **20231 [10/PNP-001503]**, do Grupo Parlamentar dos Socialistas de Galicia, sobre as actuacións que debe levar a cabo o Goberno galego en relación coas reclamacións laborais dos representantes sindicais do persoal da Administración de xustiza de Galicia, incluída na orde do día da sesión plenaria convocada para o vindeiro 6 de febreiro de 2018.

Emenda de adición

Engadir tres novos puntos, que pasarían a ser o 4, o 5 e o 6, co seguinte texto:

“4. Retomando a mediación do Consello Galego de Relacións Laborais, marco no que se produciron avances significativos na negociación.

5. Evitando declaracións que intentan crear confusión a respecto das reivindicacións da representación sindical



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/02/2018 17:37
Nº Rexistro: 25249
Data envío: 05/02/2018 17:37:22.736

6. Recoñecendo o apoio masivo do persoal da administración de Xustiza ás mobilizacións e ás xornadas de folga.”

Santiago de Compostela, 5 de febreiro de 2018

Asdo.: **Luis Bará Torres**
Deputado do G.P. do BNG
Ana Pontón Mondelo
Portavoz do G.P. do BNG

Asinado dixitalmente por:

Xosé Luis Bará Torres na data 05/02/2018 16:38:00

Ana Pontón Mondelo na data 05/02/2018 16:38:04



(0025252) Emendas dos Grupos Parlamentarios



GRUPO PARLAMENTARIO
POPULAR DE GALICIA



PARLAMENTO DE GALICIA
REGISTRO XERAL ENTRADA
Data asento: 05/02/2018 18:09
Nº Rexistro: 25252
Data envío: 05/02/2018 18:09:02.050

Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa do deputado **Jacobo Moreira Ferro**, ao abeiro do disposto no artigo 161.2 e concordantes do Regulamento da Cámara presenta, ante esa Mesa, a seguinte **emenda** á Proposición non de Lei en Pleno do Grupo Parlamentario dos Socialistas de Galicia, **20231(10/PNP-001503)** Sobre as actuacións que debe levar a cabo o Goberno galego en relación coas reclamacións laborais dos representantes sindicais do persoal da Administración de xustiza de Galicia.

Emenda de Substitución:

Débase substituír o texto da parte resolutiva polo que se segue a continuación:

“O Parlamento de Galicia insta a Xunta de Galicia a atender ás reclamacións dos sindicatos con representación entre o persoal de Xustiza de Galicia, abrindo un período de diálogo permanente, nos seguintes termos:

1. Equiparando os salarios das persoas traballadoras ao promedio do resto de Comunidades Autónomas, no que atinxe ao complemento autonómico transitorio.
2. Consolidando as prazas que responden a necesidades estruturais, especialmente as de máis de 3 anos.
3. E repoñendo as prazas que foron amortizadas naqueles supostos e ámbitos de especial afectación”.

Santiago de Compostela, 5 de febreiro de 2018

Asinado dixitalmente por:

Pedro Puy Fraga na data 05/02/2018 18:07:51

Pazo do Parlamento - Rúa do Hórreo, 63
 15701 Santiago de Compostela
 T. 981 551 510 F. 981 551 422
 gp-pp@parlamentodegalicia.es
 www.ppdegalicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 05/02/2018 18:09
Nº Rexistro: 25252
Data envío: 05/02/2018 18:09:02.050

Jacobo Moreira Ferro na data 05/02/2018 18:08:11

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



4.2 10/PNP-001649 (0022214)

Grupo Parlamentario do Bloque Nacionalista Galego - Xosé Luís Bará Torres

Grupo Parlamentario do Bloque Nacionalista Galego - María Montserrat Prado Cores

Grupo Parlamentario do Bloque Nacionalista Galego - Ana Belén Pontón Mondelo

Grupo Parlamentario do Bloque Nacionalista Galego - José Luis Rivas Cruz

Grupo Parlamentario do Bloque Nacionalista Galego - Olalla Rodil Fernández

Grupo Parlamentario do Bloque Nacionalista Galego - Noa Presas Bergantiños

Sobre as actuacións que deber realizar a Xunta de Galicia en relación coa xestión da AP 9 perante o Goberno de España, a defensa dos intereses das persoas usuarias dela e o cumprimento dos acordos parlamentarios



(0022214) Entrada da iniciativa



OFICINA PARLAMENTAR
Parlamento de Galiza
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza



PARLAMENTO DE GALICIA
REXISTRO XERAL ENTRADA
Data asento: 04/01/2018 13:36
Nº Rexistro: 22214
 Data envío: 04/01/2018 13:36:12.972

Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputados e deputadas **Luis Bará Torres, Montserrat Prado Cores, Ana Pontón Mondelo, Xosé Luis Rivas Cruz, Olalla Rodil Fernández e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**.

1. O pasado 30 de decembro, último día hábil do ano, o presidente do goberno de España e o presidente da Xunta de Galicia inauguraban e poñían en servizo a ampliación da ponte de Rande. Para o BNG este feito ven confirmar que a intensificación dos ritmos de traballo nas obras nos últimos meses tiña como obxectivo favorecer os intereses da concesionaria, para poder aplicar os incrementos dos prezos das peaxes previstos na cláusula sexta do convenio asinado polo Ministerio de Fomento e AUDASA no ano 2011.

O acontecido parécenos aínda máis grave tendo en conta que non están totalmente rematadas as obras de ampliación de capacidade na ponte de Rande, que os novos carrís carecen de farolas de alumeado e que están sen realizar as melloras comprometidas nas zonas afectadas pola ampliación, nomeadamente na parroquia de Chapela.

2. Estes feitos forman parte dunha longa serie de beneficios, prebendas e tratos de favor concedidos polo goberno do Estado á concesionaria, co beneplácito do PP galego e a Xunta de Galicia: ampliación do período da concesión até os 75 anos, privatización a prezo de amigo, incrementos abusivos das peaxes, bonificacións e redución de impostos, veto a transferencia, permisividade coa redución de custos e empeoramento do servizo, etc.



8870226
88172842222
054200

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 04/01/2018 13:36
Nº Rexistro: 22214
Data envío: 04/01/2018 13:36:12.972

Ao mesmo tempo, comprobamos como sistematicamente se ignoran e incumpren os acordos do parlamento galego en relación coa AP 9, para non incomodar ao goberno do Estado e á concesionaria.

3. Para o BNG existen moitas zonas de sombra na xestión da AP 9, moitos acordos e negociacións pouco transparentes. E a creación da comisión bilateral de seguimento, que só se reuniu unha vez en 2017, semella máis ben un paripé e unha cortina de fume para eludir as responsabilidades da administración central e galega.

Cómpre pola tanto deitar luz sobre os convenios asinados en 2011 e 2013, sobre os beneficios concedidos á concesionaria, sobre a falta de control sobre o servizo que presta, sobre as obras da ponte de Rande, sobre a negativa á transferencia desta infraestrutura, e sobre o cumprimento dos acordos parlamentares.

Polo anteriormente exposto, o Grupo Parlamentar do BNG presenta a seguinte proposición non de lei para debate en Pleno:

“O Parlamento galego insta á Xunta de Galiza a:

1. Defender con firmeza os intereses de Galiza e das persoas usuarias da AP 9 ante a concesionaria e o goberno de España.

2. Negociar co goberno do Estado a non aplicación de novas subas abusivas das peaxes, a aplicación de bonificacións e a mellora da calidade do servizo.

3. Demandar ao Ministerio de Fomento a realización dunha auditoría xeral sobre o servizo que presta a concesionaria e sobre as queixas das persoas usuarias.

4. Velar polo cumprimento dos acordos parlamentares en relación coa AP9, nomeadamente os que teñen que ver coa transferencia a Galiza, a supresión da peaxe



PARLAMENTO DE GALICIA
REXISTRO XERAL ENTRADA
 Data asento: 04/01/2018 13:36
Nº Rexistro: 22214
 Data envío: 04/01/2018 13:36:12.972



8871236
 88172842232
 054200

OFICINA PARLAMENTAR
Parlamento de Galiza
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza

entre Redondela e Vigo, a transformación en vía urbana do acceso a Vigo desde as Torres de Padín, a instalacións de pantallas antirruído nas zonas afectadas, e a realización dos investimentos necesarios para corrixir o impacto negativo da ampliación de Rande nas parroquias de Trasmañó e Chapela.

Asemade, o Parlamento galego acorda aprobar como resolución a creación dunha comisión de investigación, previo cumprimento dos requisitos regulamentarios, sobre as obras de ampliación da capacidade da AP 9 (custo, características, condicións laborais e salariais...), a aplicación dos convenios asinados en 2011 e 2013, os acordos entre o goberno central e AUDASA, os beneficios obtidos pola concesionaria, os ingresos do Estado que teñen que ver coa infraestrutura, a calidade do servizo e, en xeral, sobre a xestión da AP 9 ao longo de todo o período concesional.”

Santiago de Compostela, 4 de xaneiro de 2018

Asdo.: **Luis Bará Torres**

Olalla Rodil Fernández

Noa Presas Bergantiños

Montserrat Prado Cores

Xosé Luis Rivas Cruz

Deputadas e deputados do G.P. do BNG

Ana Pontón Mondelo

Portavoz do G.P. do BNG



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 04/01/2018 13:36
Nº Rexistro: 22214
Data envío: 04/01/2018 13:36:12.972

Asinado dixitalmente por:

Xosé Luis Bará Torres na data 04/01/2018 13:29:45

Olalla Rodil Fernández na data 04/01/2018 13:29:58

María Montserrat Prado Cores na data 04/01/2018 13:30:02

Xosé Luis Rivas Cruz na data 04/01/2018 13:30:04

Noa Presas Bergantiños na data 04/01/2018 13:30:08

Ana Pontón Mondelo na data 04/01/2018 13:30:11



(0025246) Emendas dos Grupos Parlamentarios



Grupo Parlamentario

Á Mesa do Parlamento

Partido dos
Socialistas
de Galicia

O Grupo Parlamentario dos Socialistas de Galicia por iniciativa do seu deputado, Xoaquín Fernández Leiceaga, a través do portavoz e ao abeiro do disposto no artigo 161.2 do Regulamento da Cámara, presenta ante esa mesa a seguinte emenda á Proposición non de lei do Grupo Parlamentario do BNG, sobre as actuacións que debe realizar a Xunta de Galicia en relación coa xestión da AP 9 perante o Goberno de España, a defensa dos intereses das persoas usuarias dela e o cumprimento dos acordos parlamentarios (doc. núm. 22214).

Emenda de modificación

O punto 4 da parte resolutiva da iniciativa débese substituír polo seguinte texto:

“4. Velar polo cumprimento dos acordos parlamentares en relación coa AP9, nomeadamente os que teñen que ver coa transferencia a Galiza, a supresión da peaxe entre Redondela e Vigo, a transformación en vía urbana do acceso a Vigo desde o enlace de Bos Aires, a instalacións de pantallas antirruído nas zonas afectadas, e a realización dos investimentos necesarios para corrixir o impacto negativo da ampliación de Rande nas parroquias de Trasmañó e Chapela.”

Emenda de adición

Na parte resolutiva da iniciativa engadir o seguinte punto:

“4 bis. O Parlamento de Galicia deplora a ampliación da concesión ate o ano 2048 e insta á Xunta de Galicia a negociar co Goberno de España as compensacións dos aforros e ingresos para os Orzamentos Xerais do Estado que esta medida supuxo”

Pazo do Parlamento, 5 de febreiro de 2018

Asinado dixitalmente por:



PARLAMENTO DE GALICIA
REXISTRO XERAL ENTRADA
Data asento: 05/02/2018 17:17
Nº Rexistro: 25246
Data envío: 05/02/2018 17:17:28.690



Grupo Parlamentario

Xoaquín María Fernández Leiceaga na data 05/02/2018 17:16:00

Partido dos
Socialistas
de Galicia



4.3 10/PNP-001652 (0022251)

Grupo Parlamentario de En Marea - Francisco Casal Vidal
Grupo Parlamentario de En Marea - Marcos Cal Ogando
Grupo Parlamentario de En Marea - Antón Sánchez García

Sobre as medidas que debe adoptar a Xunta de Galicia en relación coas sondaxes mineiras que se están a realizar nos concellos de Touro e O Pino en tanto non se garanta a viabilidade dos recursos hídricos que abastecen a zona e se obteña a correspondiente autorización de Augas de Galicia



(0022251) Entrada da iniciativa



Á MESA DO PARLAMENTO

O Grupo Parlamentario de En Marea, por iniciativa dos seus deputados **Francisco Casal Vidal, Marcos Cal Ogando e Antón Sánchez García**, ao abeiro do artigo 160 do Regulamento da Cámara, presenta a seguinte **Proposición non de lei**, para o seu debate en Pleno, relativa ás sondaxes que realiza a empresa “Sociedad Cobre San Rafael, S.L.” nos concellos de Touro e O Pino.

EXPOSICIÓN DE MOTIVOS

A Plataforma Veciñal “Mina Touro-O Pino Non” fainos traslado destes asuntos que facemos nosos:

En relación ás sondaxes e prospeccións mineiras que realiza a empresa “Sociedad Cobre San Rafael, S.L.” nos concellos de Touro e O Pino, conséntase o seguinte:

1.- Ausencia dun estudo hidrolóxico e xeotécnico que permita identificar claramente as fontes, cauces, cursos de auga, etc., existentes na área de realización das labores mineiras. A falla destes estudos implica un risco inminente para os acuíferos subterráneos e a capa freática. Calquera alteración da capa freática produciría unha alteración dos cauces e dos mananciais próximos. Unha capa freática é unha acumulación de auga subterránea que se atopa a unha profundidade relativamente pequena baixo o nivel do chan. Concretamente é un acuífero, coa diferenza de que os acuíferos poden estar tamén a maiores profundidades. Como queira que os lugares onde se realizan as sondaxes en xeral están próximos a regatos, cauces e fontes, existe un risco probable e inminente de



alteración das augas empregadas para o subministro humano. De feito a empresa non identificou os mananciais que están a ser usados para abastecemento humano e gandeiro, polo que as probabilidades da súa afectación son bastante evidentes. Delas aliméntanse os pozos e as fontes de auga, potable ou non. Son os acuíferos máis expostos á contaminación proveniente da superficie. Para a maioría dos cultivos agrícolas e gandeiros a capa freática debe atoparse a certa profundidade, porque a profundidades menores o rendemento redúcese, polo que podería verse afectada a rendibilidade das terras agrícolas e gandeiras co conseguinte prexuízo para as cabanas gandeiras e explotacións agrícolas. Polo principio de precaución en materia medioambiental solicítase a suspensión temporal das sondaxes en tanto en canto non se dispoña dos correspondentes estudos que permitan garantir ás comunidades o abastecemento de auga.

2.- Ausencia de autorización de Augas de Galicia para o emprego de auga nas sondaxes que se están a realizar.

3.- Falla de seguridade na realización das sondaxes e ausencia dun perímetro de seguridade, o que implica a existencia dun risco inminente de calquera accidente.

4.- A falla dun estudo xeotécnico supón o risco de desprendemento de noiros.

5.- Ausencia de medidas correctoras de mitigación de desprendementos e accidentes.

6.-Falla de sinalización adecuada das labores mineiras.

Ante todo o exposto, consideramos que o Goberno da Xunta de Galicia debe intervir e, a este fin, o Grupo Parlamentar de En Marea presenta a seguinte

Proposición non de lei para o seu debate en Pleno:



O Parlamento de Galicia insta á Xunta de Galicia a:

- 1.- Suspender cautelarmente as sondaxes mineiras que se están a realizar e demais labores en tanto en canto non se garanta a viabilidade dos acuíferos, pozos, cauces, fontes e demais recursos hídricos que abastecen á poboación, á cabana gandeira e ás explotacións agrícolas.
- 2.- Exixir a adecuada sinalización das labores mineiras, fixación de perímetros de seguridade, e o aseguramento dos noiros.
- 3.- Decretar a suspensión inmediata das labores mineiras mentres que a empresa non dispoña de autorización de Augas de Galicia para a realización de sondaxes mineiras, en tanto que esta actividade require de título específico habilitante ao efecto, e ausencia de autorización de verquido.

Santiago de Compostela, 5 de xaneiro de 2018.

Asdo.: Francisco Casal Vidal,
Marcos Cal Ogando
Antón Sánchez García
Deputados do G.P. de En Marea.

Asdo.: Luís Villares Naveira
Voceiro do G.P. de En Marea

Asinado dixitalmente por:



PARLAMENTO DE GALICIA
REXISTRO XERAL ENTRADA
Data asento: 05/01/2018 11:20
Nº Rexistro: 22251
Data envío: 05/01/2018 11:20:16.675



Francisco Casal Vidal na data 05/01/2018 11:17:16

Marcos Cal Ogando na data 05/01/2018 11:17:23

Antón Sánchez García na data 05/01/2018 11:17:32

Luis Villares Naveira na data 05/01/2018 11:17:39



(0024684) Emendas dos Grupos Parlamentarios



Á MESA DO PARLAMENTO

O Grupo Parlamentar de En Marea, por iniciativa do seu deputado Francisco Casal Vidal, ao abeiro do disposto no artigo 161.2 do Regulamento da Cámara, presenta a seguinte **Emenda** á Proposición non de lei, doc. núm. 22251, do Grupo Parlamentar de En Marea, sobre as medidas que debe adoptar a Xunta de Galicia en relación coas sondaxes mineiras que se están a realizar nos concellos de Touro e O Pino en tanto non se garanta a viabilidade dos recursos hídricos que abastecen a zona e se obtéña a correspondente autorización de Augas de Galicia, que será tratada na sesión plenaria do día 6 de febreiro de 2018. (10/PNP-001652).

Emenda núm. 1 de supresión

Débese suprimir o punto 3.

Emenda núm. 2 de Adición

Débense engadir os seguintes puntos:

3.- Exixir a retirada segura por parte da empresa Mina Cobre San Rafael SL. dos escombros, “teoricamente” inertes, que están sendo abandonados en sacos nos terreos e camiños públicos onde se fixeron catas e sondaxes.

4.- Decretar a suspensión inmediata destas labores mineiras en tanto que a empresa non dispoña de autorización, da maioría dos propietarios dos terreos e do Concello de Touro, para actuar nos camiños públicos.



5.- Exixir a Augas de Galicia e á Dirección Xeral de Minas que non concedan permisos para a realización de sondaxes mineiras sen a preceptiva autorización dos propietarios dos terreos e dos concellos no que respecta aos camiños públicos.

6.- Apoiar a Moción aprobada por unanimidade no Concello de Touro, no Pleno do día 29 de decembro de 2017, onde se solicita a paralización das sondaxes mentres non se faga un estudo hidrolóxico e xeotécnico que demostre que non afectan aos acuíferos, pozos, cauces, fontes e demais recursos hídricos que abastecen á poboación, á cabana gandeira e ás explotacións agrícolas.

7.- Dar a consideración expresa de parte interesada no expediente administrativo do proxecto de explotación “San Rafael” número 2.946, a todas e todos os veciños dos concellos de Touro e O Pino, dos concellos da conca do Ulla e dos ribeirás da Ría de Arousa. Así mesmo a todas as asociacións e colectivos legalmente constituídos en defensa da natureza e do medio ambiente, profesionais ou empresariais, das zonas afectadas pola mina.

8.- Decretar a exención, a particulares e sociedades e asociacións sen ánimo de lucro, de taxas correspondentes ás solicitudes de certificados sobre o estado de titularidade dos dereitos mineiros, estado de tramitación de permisos de investigación solicitados, ou outorgados, e estado das investigacións mineiras xa realizadas.

Santiago de Compostela, 31 de xaneiro de 2018.

Asdo.: Francisco Casal Vidal,

Asdo.: Luís Villares Naveira

Deputado do G.P. de En Marea.

Voceiro do G.P. de En Marea.



PARLAMENTO DE GALICIA
REXISTRO XERAL ENTRADA
Data asento: 31/01/2018 16:30
Nº Rexistro: 24684
Data envío: 31/01/2018 14:14:46.811

Asinado dixitalmente por:

Francisco Casal Vidal na data 31/01/2018 14:12:52

Luis Villares Naveira na data 31/01/2018 14:13:23



4.7 10/PNP-001691 (0023160)

Grupo Parlamentario do Bloque Nacionalista Galego - Noa Presas Bergantiños

Grupo Parlamentario do Bloque Nacionalista Galego - Xosé Luís Bará Torres

Grupo Parlamentario do Bloque Nacionalista Galego - Ana Belén Pontón Mondelo

Grupo Parlamentario do Bloque Nacionalista Galego - José Luis Rivas Cruz

Grupo Parlamentario do Bloque Nacionalista Galego - Olalla Rodil Fernández

Grupo Parlamentario do Bloque Nacionalista Galego - María Montserrat Prado Cores

Sobre as demandas que debe realizar o Goberno galego ao Goberno central en relación coas necesidades existentes e as melloras necesarias no transporte ferroviario entre Ourense, Santiago de Compostela e A Coruña



(0023160) Entrada da iniciativa



OFICINA PARLAMENTAR
 Parlamento de Galiza
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Noa Presas Bergantiños, Luis Bará Torres, Ana Pontón Mondelo, Xosé Luis Rivas Cruz, Olalla Rodil Fernández e Montserrat Prado Cores**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, relativa ás necesidades e melloras do transporte ferroviario entre Ourense e Santiago de Compostela para revertir o agravio con Ourense e favorecer o seu mellor aproveitamento por parte das e dos ourensás.

EXPOSICIÓN DE MOTIVOS

O ferrocarril tense verificado como un dos medios de transporte máis beneficiosos para o medio ambiente e máis útiles para conectar as poboacións. Neste sentido, o nacionalismo galego sempre defendeu a necesidade dunha rede ferroviaria moderna, compatíbel para o tráfico de persoas e mercadorías, que primara a mobilidade interior, e con conexións con Portugal e a Meseta. Porén, fronte a este deseño primou outro froito da concepción centralista do Estado que ten estado concibido co obxectivo de conectar Galiza con Madrid facendo que este criterio non se compatibilizase coa conexión interior de Galiza e a día de hoxe non temos sistema ferroviario modernizado nin un servizo equiparábel ao *cercanías* que cumpra coa súa función de conexión rápida, segura e útil para vertebración territorial entre cidades e vilas galegas.

Tanto é así que no caso do interior do país, que sofre as consecuencias do agravio histórico con este territorio por parte do goberno central coa complicidade do



PARLAMENTO DE GALICIA
REXISTRO XERAL ENTRADA
Data asento: 15/01/2018 16:43
Nº Rexistro: 23160
 Data envío: 15/01/2018 16:43:05.152



8810226
88172842222
025200
OFICINA PARLAMENTAR
Parlamento de Galiza
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza

gobierno galego, nin sequera se cumpre a necesidade de conectar de forma eficaz as cidades galegas coa capital de Galiza. No caso de Ourense, esta cidade conta cunha conexión Avant Ourense - Santiago - A Coruña. O servizo Avant son servizos de Media Distancia prestados con trens que se prestan con trens de alta velocidade especificamente deseñados para viaxes cortos, a diferenza dos trens do servizo AVE segundo informa a propia Renfe viaxeiros. A devandita liña foi inaugurada en decembro de 2011 e desde entón sucedeu a supresión de frecuencias do tren rexional, que conectaba poboacións intermedias como O Carballiño, Maside ou O Irixo.

Así mesmo, durante estes anos, non se introduciron as adaptacións precisas para que esta conexión aproveitara todo o seu potencial para atraer como usuarios e usuarias traballadores e traballadoras e tamén estudantado entre as cidades de Santiago, Ourense e tamén da Coruña. Os horarios e as tarifas vixentes limitan as posibilidades de conexión contribuíndo a que as persoas que por motivos persoais ou laborais deban desprazarse con frecuencia a Santiago de Compostela opten por non manter o seu lugar de residencia en Ourense.

Esta situación, sumada aos incumprimentos constantes do Estado con Ourense derivan en que cada vez esteamos menos e peor conectados canto á mobilidade entre as comarcas e desde a cidade cara outras capitais. Máis aínda, da análise das comunicacións ferroviarias do país e o seu prezo faise evidente o agravio comparativo que se está a cometer coa cidade de Ourense e a súa contorna, xa que os prezos por quilómetro son moito máis caros que a comparativa coa franxa atlántica. Desta forma, viaxar de Ourense até Coruña custa até 13 céntimos por quilómetro e de Ourense até Santiago de Compostela até 15 céntimos por quilómetro en caso de empregar un Avant. Porén, un galego ou galega que se desprace no Eixo Atlántico terá que asumir un custo menor, que non supera os 9 céntimos para alén de contar cunha oferta horaria máis ampla.



PARLAMENTO DE GALICIA
REXISTRO XERAL ENTRADA
Data asento: 15/01/2018 16:43
Nº Rexistro: 23160
 Data envío: 15/01/2018 16:43:05.152



8870266
 88172844212
 0034200

OFICINA PARLAMENTAR
Parlamento de Galiza
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza

Esta situación constitúe un agravio cara aos galegos e galegas de Ourense, e xunto con outros factores impide igualar á sociedade galega e impide dar ao interior o pulo que precisa para desenvolverse socioeconomicamente e paliar a crise demográfica. Máis aínda, se temos en conta que segundo os últimos datos publicados polo IGE durante o ano 2016 o ingreso mensual por fogar no territorio comprendido baixo a provincia de Ourense foi de 1,817 euros, os máis baixos das catro provincias galegas, por detrás de Lugo, Coruña e Pontevedra. Ademais, hai que ter en conta que neste ámbito territorial ourensá máis do 43% dos fogares percibe os seus ingresos a través dalgún tipo de pensión e que rematou 2017 protagonizando titulares por ser a provincia do Estado con máis pensionistas que ocupados e ocupadas. A día de hoxe, un billete entre Ourense e Santiago custa 16,60 euros, unha cifra moi alta para a capacidade adquisitiva das e dos ourensás que o fai prohibitivo e que obriga a recorrer ao bus ou ao transporte particular ou compartido e mina a mobilidade profesional e persoal.

Esta situación é insostíbel e Ourense precisa de apostas firmes, tamén no ámbito do transporte. Neste sentido, é preciso apostar polo tren de proximidade e mellorar o aproveitamento e accesibilidade a unha liña tan importante como a conexión entre Ourense, Santiago de Compostela e A Coruña. Máis aínda cando esta liña está sometida a obriga de servizo público e recibe fondos do Estado para a cohesión territorial.

Por todas estas razóns, o Grupo Parlamentar do BNG presenta a seguinte proposición non de lei para o seu debate en Pleno:

“O Parlamento de Galiza acorda instar á Xunta de Galiza a demandar do Goberno central e de Renfe-Adif as actuacións necesarias para:



PARLAMENTO DE GALICIA
REXISTRO XERAL ENTRADA
Data asento: 15/01/2018 16:43
Nº Rexistro: 23160
 Data envío: 15/01/2018 16:43:05.152



8870200
 881720442222
 0042000
OFICINA PARLAMENTAR
Parlamento de Galiza
 Rúa do Hórreo, s/n. Tel. 0034 981 551 545
 Fax. 0034 981 551 420. Fax prensa: 0034 981 551 421
 gp-bng@parlamentodegalicia.gal
 15702 Santiago de Compostela
 Galiza

1. Promover o abaratamento da Liña Avant Ourense - Santiago - A Coruña cando menos nun 30%.

2. Reformular os termos e condicións dos bonos de transporte *Abono Tarxeta Plus, Tarxeta Plus 10 e Tarxeta Plus 10 Estudiantes* para aumentar o período de uso que rexe a partir da data da primeira formalización da reserva, de forma que se poida empregar en máis tempo que na actualidade.

3. Ampliar a frecuencia horaria da liña rexional Ourense-Santiago para mellorar a mobilidade entre as poboacións intermedias.”

Santiago de Compostela, 15 de xaneiro de 2018

Asdo.: **Noa Presas Bergantiños**

Montserrat Prado Cores

Olalla Rodil Fernández

Xosé Luis Rivas Cruz

Luis Bará Torres

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 15/01/2018 16:43
Nº Rexistro: 23160
Data envío: 15/01/2018 16:43:05.152

Noa Presas Bergantiños na data 15/01/2018 13:50:15

María Montserrat Prado Cores na data 15/01/2018 13:50:26

Xose Luis Rivas Cruz na data 15/01/2018 13:50:29

Olalla Rodil Fernández na data 15/01/2018 13:50:31

Xosé Luis Bará Torres na data 15/01/2018 13:50:33

Ana Pontón Mondelo na data 15/01/2018 13:50:40



(0025253) Emendas dos Grupos Parlamentarios



Á MESA DO PARLAMENTO

O Grupo Parlamentar de En Marea, por iniciativa do seu deputado Marcos Cal Ogando, ao abeiro do disposto no artigo 161.2 do Regulamento da Cámara, presenta a seguinte **Emenda** á Proposición non de lei, doc. núm. 23160, do Grupo Parlamentar do Bloque Nacionalista Galego, sobre as demandas que debe realizar o Goberno galego ao Goberno central en relación coas necesidades existentes e as melloras necesarias no transporte ferroviario entre Ourense, Santiago de Compostela e A Coruña, que será tratada na sesión plenaria do día 6 de febreiro de 2018. (10/PNP-1691).

Emenda de Adición

Débense engadir, ao final da parte resolutiva, dous novos puntos:

“4.- Ampliar a frecuencia horaria da liña Ourense-A Coruña.

5.- Dirixirse ao Goberno central para que estableza políticas e modalidades tarifarias en todo o territorio que rematen coas discriminacións sufridas por cidadás e cidadáns galegos debido ao seu lugar de residencia.”

Santiago de Compostela, 5 de febreiro de 2018.

Asdo.: Marcos Cal Ogando,

Asdo.: Luís Villares Naveira

Deputado do G.P. de En Marea.

Voceiro do G.P. de En Marea



Asinado dixitalmente por:

Marcos Cal Ogando na data 05/02/2018 18:08:30

Luis Villares Naveira na data 05/02/2018 18:08:38



(0025254) Emendas dos Grupos Parlamentarios



GRUPO PARLAMENTARIO
POPULAR DE GALICIA



PARLAMENTO DE GALICIA
REGISTRO XERAL ENTRADA
Data asento: 05/02/2018 18:09
Nº Rexistro: 25254
Data envío: 05/02/2018 18:09:16.223

Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa da deputada **Marta Nóvoa Iglesias**, ao abeiro do disposto no artigo 161.2 e concordantes do Regulamento da Cámara presenta, ante esa Mesa, a seguinte **emenda** á Proposición non de Lei en Pleno do Grupo Parlamentario do Bloque Nacionalista Galego, **23160(10/PNP-001691)** Sobre as demandas que debe realizar o Goberno galego ao Goberno central en relación coas necesidades existentes e as melloras necesarias no transporte ferroviario entre Ourense, Santiago de Compostela e A Coruña

Emenda de Substitución:

Débase substituír o texto da parte resolutiva polo que se segue a continuación:

"O Parlamento de Galicia insta a Xunta de Galicia a:

1. Esixir ao Goberno central una equiparación das políticas e modalidades tarifarias en todo o territorio galego para evitar a actual evidente situación de discriminación que se dá en función do lugar de residencia de galegos e galegas.
2. Solicitar ao Goberno central una ampliación das frecuencias horarias desde Ourense para mellorar a comunicación con Compostela e A Coruña."

Santiago de Compostela, 5 de febreiro de 2018

Asinado dixitalmente por:

Pedro Puy Fraga na data 05/02/2018 18:05:37

Pazo do Parlamento - Rúa do Hórreo, 63
 15701 Santiago de Compostela
 T. 981 551 510 F. 981 551 422
 gp-pp@parlamentodegalicia.es
 www.ppdegalicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 05/02/2018 18:09
Nº Rexistro: 25254
Data envío: 05/02/2018 18:09:16.223

Marta Novoa Iglesias na data 05/02/2018 18:05:48

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

